

**Uunga siunnersuut: Ilanniartunut tapiisarneq pillugu Inatsisartut inatsisaat nr. xx, xx
xxx 2017-imeersoq**

Kapitali 1
Aalajangersakkat aallarniutaasut

§ 1. Suliffissanut, ilitsersuisarnernut pikkorissaqqinnernullu qitiusumik ingerlatsivinni ilanniartunut pikkorissaqqinnermi atuartunut, Inatsisartut inatsisaanni matumani maleruagassat malillugit ilanniartunut tapersiissuteqartoqassaaq.

§ 2. Ilanniartut pisortanit allatigut ikorsiissutinik inuuniarnissamut aningaasartuutinik matussutissatut naatsorsuussanik pisartut ilanniartunut tapersiissutissanik pisartagaqarsinnaatitaanngillat.

§ 3. Suliffissanut, ilitsersuisarnernut pikkorissaqqinnernullu qitiusumik ingerlatsivinni pikkorissaqqinnermi atuartut paasineqassaaq:

- 1) Meeqqat atuarfiannit soraarummeernissamut piginnaanngorsarnermi (FA) peqataanikkut meeqqat atuarfianni soraarummeernerup naligisaanik, atuagarsorluni pikkorissaqqinnej,
- 2) atuagarsorani pikkorissaqqinnej, ilanngullugit sannavimmi tunisassiornermullu assingusumi piginnaangorsarnej,
- 3) suliffeqarfinni sullissivinnilu suliffissanut sungiusrarluni atuagarsorani pikkorissaqqinnej,
- 4) atugarsorluni atuagarsorani Danmarkimi højskole-mi piginnaanngorsarnej,
- 5) pikkorissaqqinnej allatut iluseqartoq, soorlu ilinniagaqalernissamut imaluunniit suliffeqalernissamut piareersarnej imaluunniit periarfissaqalernissaq aammalu Naalakkersuisunit akuerisaasoq.

§4. Kommunit ataasiakkaat tamarmik, ilanniartunut suliffissanut, ilitsersuisarnernut pikkorissaqqinnernullu qitiusumik ingerlatsivinniittunut, ilanniartunut tapersiissutinik pisartagaqarsinnaasunut, Naalakkersuisunut angusassanut isumaqtigissuteqartarnikkut ukiumut ilanniartut amerlassusissaannik tunineqartassapput.

§ 5. Ilanniartunut suliffissanut, ilitsersuisarnernut pikkorissaqqinnernullu qitiusumik ingerlatsivimmi pikkorissaqqillutik ilanniartunut tapersiissutit aammalu ilanniartunut tapersiissutinik tunniussinissaq pillugu qinnuteqaatit, Inatsisartut inatsisaanni matumani maleruagassat aammalu maleruagassat taanna malillugu aalajangersarneqartut tunngavigalugit kommunalbestyrelsimit aqunneqassapput.

Kapitali 2

Taperseeriaatsit

§ 6. Ilanniartunut tapersiissutit ilinniarnermi tapiissutit, meeqyanut tapitut aamma akiliunneqarluni angalanertut, tunniunneqarsinnaapput.

Imm. 2. Nerisaqarnermut tapit, akiliunneqarluni ineqarnermut aningaasanik ilanngaassisarneq, meeqyanut tapit angissusaat aammalu akiliunneqarluni angalanissamut piumasaqaatit, pillugit maleruagassat erseqqinnerusut Naalakkersuisut aalajangersarsinnaavaat.

§ 7. Ilanniartunut tapiissutit qaammammut tigusartagassaq imatut aalajangersarneqarpoq:

- 1) ilanniartunut 18-it inorlugit ukiulinnut imaluunniit ilanniartunut ilanniartut inaanniiittunut suliffisanut, ilitsersuisarnernut pikkorissaqqinnernullu qitiusumik ingerlatsivimmi pikkorissaqqittunut 2.225 kr. Ilanniartut 18-it inorlugit ukiullit ilanniartut inaanniiittut akeqanngitsumik nerisaqartinneqarput ineqartinneqarlutillu. Ilanniartut inaanni nerisaqarnissaq periarfissaqartinneqanngippat imaluunniit ilaannakortumik periarfissaqartinneqarpat, ilanniartut ilanniartut inaanniiittut qaammammut kr. 1.550-inik imaluunniit kr. 950-inik nerisaqarnermut tapinik tigusaqartassapput.
- 2) ilanniartunut 18-it sinnerlugit ukiulinnut suliffisanut, ilitsersuisarnernut pikkorissaqqinnernullu qitiusumik ingerlatsivimmi pikkorissaqqittunut 4.400 kr. Ilanniartut taamatut tigusaqartartut, pikkorissaqqinnermut ingerlatsivimmut atatillugu akeqanngitsumik nerisaqartinneqartut ineqartinneqartullu, tamatumunnga aningaasanik ilanngaavigitittassapput.

§ 8. Aningaasartat § 6-imi taaneqartunut procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni maleruagassat malillugit procentimik aaqqiissutissamik ataatsimik ukiuni aningaasanut inatsiseqarfiusunut ataasiakkaanut tamaginnut iluarsineqartassapput.

Kapitali 3

Ilanniartunut tapersiissutinik tigusinissamut piumasaqaatit

§ 9. Ilanniartut atuanngiffeqartut, ilanngullugu erninermut atatillugu sulinngiffeqarneq, ilanniartunut tapersiissutinik pissarsisinnaanngillat.

§ 10. Atuagarsorluni pikkorissaqqinnermi annerpaamik qaammatinik 10-inik sivisussuseqartumik ilanniartunut tapersiissutit marloriarluni tunniunneqarsinnaapput.

Imm 2. Piumasaqaatip tamatuma saneqqunneqarnissaa qinnuteqaatigineqarpat, tamatumunnga pissutsit immikkut ittut pissutissaqartitsippata, Naalakkersuisut imm. 1-imik piumasaqaatip saneqqunneqarnissaanik akuersisinnaapput.

§ 11. Atuagarsorani pikkorissaqqinnermi annerpaamik qaammatinik 10-inik sivisussuseqartumik ataasiarluni ilinniartunut tapersiissutit tunniunneqarsinnaapput.

Imm 2. Piumasaqaatip tamatuma saneqqunneqarnissaa qinnuteqaatigineqarpat, tamatumunnga pissutsit immikkut ittut pissutissaqartitsippata, Naalakkersuisut imm. 1-imik piumasaqaatip saneqqunneqarnissaanik akuersisinnaapput.

§ 12. Ilinniartunut tapersiissutinik tunniussinissamut piumasaqaatit annertunerusut pillugit maleruagassanik Naalakkersuisut aalajangersaasinnaapput.

Kapitali 4

Atuariartortarernik nalunaarsuisarneq aamma atuariartortannginnermi ilinniartunut tapersiissutini annikillilerisarneq

§ 13. Suliffisanut, ilitsersuisarnernut pikkorissaqqinnernullu qitiusumik ingerlatsiviit ilinniartut atuariartortarernut atuariartornermut allattuiffinnik allattuinissamut pisussaaffeqarput.

Imm 2. Suliffisanut, ilitsersuisarnernut pikkorissaqqinnernullu qitiusumik ingerlatsiviit ilinniartut atuariartortarneri pillugit kommunalbestyrelsimit nalunaarutiginnittarnissamik pisussaaffeqarput.

Imm 3. Suliffisanut, ilitsersuisarnernut pikkorissaqqinnernullu qitiusumik ingerlatsiviit ilinniartut atuariartortarnerat pillugu kommunalbestyrelsimit nalunaarutiginnittarnissaat pillugu Naalakkersuisut maleruagassanik erseqqinnerusunik aalajangersaasinnaapput.

§ 14. Atuariartunnginnermi imaluunniit atuarnissamut aalajangersagaasumut imaluunniit sulilluni sungiusarnermut isumaqatigiissutigineqartumut inortuilluni takkunnermi, atuariartunnginneq imaluunniit inortuilluni takkunneq suliffisanut, ilitsersuisarnernut pikkorissaqqinnernullu qitiusumik ingerlatsivimmit akuerineqarneq malillugu pisimanngippat, kommunalbestyrelsi ilinniartunut ilinniarnermut tapiissutini annikillisitsissaq.

Imm 2. Ikorsiissutini annikillisitsineq imm. 1-imik taaneqartoq nalunaaquttag akunneri qaammammut agguaqatigiissillugu 173,3-it aallaavigalugit naatsorsorneqassapput, tapersiissutit aningaasartaat malillugit iluarsiisoqassalluni.

Imm. 3. Nalunaaquttag akunnerini aalajangersimasumik amerlassusillit inorlugit atuanngitsoorneq ilinniartunut ilinniarnermut tapiissutini annikillilerinermik malitseqassangitsoq pillugu maleruagassanik erseqqinnerusunik Naalakkersuisut aalajangersaasinnaapput.

§ 15. Kommunalbestyrelsi ilinniartunut tapersiissutinut aningaasassanik Naalakkersuisunut utertitsilluni akiliinissamik qinnuteqarpat, kommunalbestyrelsip ilinniartut atuariartortarnerat pillugu paassisutissat Naalakkersuisunut nalunaarutigissavai.

Imm 2. Kommunalbestyrelsip ilinniartut atuariartortarnerat pillugu paasissutissat Naalakkersuisunut nalunaarutiginngippagit, Naalakkersuisut ilinniartunut tapersiissutinut utertitsilluni akiliinissaq itigartissinnaavaat.

Imm 3. Naalakkersuisut kommunalbestyrelsip ilinniartut atuariartortarnerat pillugu Naalakkersuisunut nalunaaruteqartarnera pillugu maleruagassanik erseqqinnerusunik aalajangersaasinnaapput.

§ 16. Kommunalbestyrelsip ilinniartup ilinniartunut tapersiissutini pisassaani ilinniartunut tapersiissutit annertunaarlugit tunniunneqarsimasut, ilinniartup pisussaatitaanani nalunngikkaluarlugu tigusimasai, ilanngaatigisinnaavai.

Imm. 2. Annerpaamik qaammammut 500 kr. ilanngaatigineqarsinnaapput.

Kapitali 5

Atuutilernera

§ 17. Inatsisartut inatsisaat ulloq 1. januaari 2018 atuutilerpoq.

Namminersorlutik Oqartussat, ulloq xx. xx 2017

Kim Kielsen